



Adresa: **Ul. Grbavička 4**
71000 Sarajevo
<http://www.voda.ba>

tel. +387 33 565 400
fax. +387 33 565 423
e – mail: jvp@bih.net.ba; info@voda.ba

Broj: **UP-I/25-3-40-055-4/12**
Datum: **16.05.2012. godine**

«Agencija za vodno područje rijeke Save» Sarajevo rješavajući po zahtjevu Investitora **«KAPETANOVIĆ» d.o.o. Vareš** za izdavanje vodne dozvole za ispuštanje tehnoloških (industrijskih) otpadnih voda iz Pogona za primarnu i finalnu preradu drveta – pilana u naselju Ravne, općina Vareš, na osnovu člana 109. stav 1. tačka 2. i 3., člana 139. stav 1. tačka 3. i 4. Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola Investitoru, **«KAPETANOVIĆ» d.o.o. Vareš** za ispuštanje tehnoloških (industrijskih) otpadnih voda iz Pogona za primarnu i finalnu preradu drveta – pilana u naselju Ravne, općina Vareš izgrađenog na zemljištu označenom kao k.č. 469/2 K.O. Ravne, općina Vareš.
2. Ova vodna dozvola se odnosi isključivo na ispuštanje tehnoloških otpadnih voda iz objekta definisanog pod definisanog tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za snabdijevanje vodom i ispuštanje sanitarno-fekalnih otpadnih voda, za čije je izdavanje nadležno Ministarstvo poljoprivrede, šumarstva i vodoprivrede Zeničko-dobojskog kantona u skladu sa članom 139. stav 2. tačka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod sljedećim uslovima:
 - 3.1. Da se upotreba i korištenje predmetnog poslovnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da korisnik predmetnog poslovnog objekta, za vrijeme trajanja ove dozvole, obezbjeđuje da se onečišćene vode sa uređenog radnog prostora nesmetano sakupljaju i odvođe do slivničkih rešetki i taložnika prije konačnog ispusta u lokalni potok.
 - 3.3. Objekte čija je svrha odvodnja površinskih voda sa manipulativnih površina (rešetke, taložnik, kanalizaciona mreža) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 3.4. Da se u roku od **4 (četiri) mjeseca** od dana izdavanja ovog Rješenja u Agenciju na odobrenje dostavi Program obavljanja monitoringa kvaliteta i kvantiteta otpadnih voda u skladu sa članom 11. stav (7) Uredbe o uslovima ispuštanja otpadnih voda u prirodne recipijente i sisteme javne kanalizacije («Službene novine Federacije BiH», broj 04/12).

- 3.5. Da se u roku od **4 (četiri) mjeseca** od dana izdavanja ovog Rješenja u Agenciju dostavi Tehnički elaborat o ispuštanju otpadnih voda shodno članu 10. stav (3) Uredbe navedene u prethodnoj tački Rješenja.
- 3.6. Da se tokom prve godine važenja ovog Rješenja obezbijede minimalno **četiri** uzorkovanja otpadnih voda iz okna za monitoring, shodno članu 12. stav (3) i (6) Uredbe o uslovima ispuštanja otpadnih voda u prirodne recipijente i sisteme javne kanalizacije, te pojedinačne i zbirni izvještaj putem laboratorije dostavi Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 132. stav 1. Zakona o vodama i Pravilnika o uslovima koje moraju ispunjavati ovlaštene laboratorije, sadržini i načinu izdavanja ovlaštenja («Službene novine Federacije BiH», broj 54/99).
4. Vlasnik, odnosno korisnik objekta je obavezan vršiti plaćanje posebne vodne naknade za ispuštanje otpadnih voda u skladu sa Zakonom o vodama («Službene novine Federacije BiH» broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07).
5. U periodu važenja ove dozvole, Investitor je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica.
8. Ova vodna dozvola, shodno članu 14. stav 3. Uredbe o uslovima ispuštanja otpadnih voda u prirodne recipijente i sisteme javne kanalizacije («Službene novine Federacije BiH» broj 04/12) se daje sa rokom važenja do **16.05.2017. godine.**
9. Ova vodna dozvola prestaje da važi ukoliko Investitor u predviđenim rokovima ne ispuni zahtjeve definisane tačkama 3.4., 3.5. i 3.6. ovog Rješenja.
10. Prije isteka važnosti ove dozvole, Investitor je dužan da zatraži njeno produženje ili podnese zahtjev za izdavanje nove vodne dozvole.

O b r a z l o ž e n j e

Investitor, «**KAPETANOVIĆ**» d.o.o. Vareš obratio se ovoj Agenciji dana 31.01.2012. godine sa zahtjevom za izdavanje vodne dozvole za ispuštanje tehnoloških (industrijskih) otpadnih voda iz Pogona za primarnu i finalnu preradu drveta - pilana lociranog u naseljenom mjestu Ravne, općina Vareš.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- a) Ovjerena kopija Rješenja o registraciji broj: 043-0-Reg-11-000218 izdatog dana 28.02.2011. godine od strane Općinskog suda u Zenici,
- b) Ovjerena Kopija Uvjerenja o poreznoj registraciji, izdatog dana 15.03.2011. godine od strane Porezne uprave – Kantonalni ured Zenica,

- c) Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-17-1-35-27-7/11 izdatog dana 31.01.2011. godine od strane Uprave za indirektno-neizravno oporezivanje Banja Luka,
- d) Kopija Rješenja o saglasnosti za obavljanje djelatnosti rezanja drveta broj: 04-18-3776-3-ES/05 izdatog dana 12.09.2005. godine od strane Ministarstva za privredu Zeničko-dobojskog kantona
- e) Kopija katastarskog plana izdatog dana 20.01.2011. godine od strane Geodetske uprave poslove Općine Vareš
- f) Kopija Rješenja o urbanističkoj saglasnosti broj: 12-23-892/05 od 28.03.2005. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona
- g) Kopija Rješenja o odobrenju za građenje broj: 12-23-4566/04 od 28.07.2005. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona
- h) Kopija Rješenja o upotrebi građevine broj: 12-23-3472/05 od 05.09.2005. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona
- i) Kopija Rješenja o okolinskoj dozvoli broj: 12-23-3389/05 od 27.07.2005. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (rok važenja - 5 godina od dana izdavanja)
- j) Pravilnik o održavanju, korištenju i osmatranju vodnog objekta i postupanju u slučaju kvara ili havarije na objektu pilane u naselju Ravne-Vareš broj: 01/VA/11 od 12.01.2012. godine
- k) Glavni projekat objekta za preradu drveta i upravne zgrade urađen od strane «ELING Inženjering» d.o.o. Vareš, novembar 2004. godine,
- l) Glavni projekat izvedenog stanja-legalizacija urađen od strane «CONSULT-ING» d.o.o. Sarajevo, mart 2009. godine,
- m) Kopija uplatnice administrativne takse,

Nakon pregleda dostavljene dokumentacije, u skladu sa članom 21. stav 5. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», br.06/08), izvršen je obilazak proizvodnog pogona «KAPETANOVIĆ» d.o.o. Vareš u naselju Ravne, općina Vareš i tom prilikom sačinjen je zapisnik o uviđaju broj: UP-I/25-3-40-055-3/12 od 09.05.2012. godine.

Kompleks proizvodnog pogona «KAPETANOVIĆ» d.o.o. Vareš je lociran u naseljenom mjestu Ravne na planini Zvijezda, općina Vareš. Osnovna namjena kompleksa je primarna i finalna prerada drveta. Ukupan kapacitet proizvodnje na godišnjem nivou iznosi oko 3.200 m³.

U krugu kompleksa locirani su sljedeći objekti: stovarište oblovine, hala za primarno rezanje građe, stovarište rezane građe, silos za odlaganje piljevine, hala za finalnu preradu i sušara.

Za prikupljanje piljevine izveden je zatvoreni sistem ventilacije-otsisa sa silosom, tako da nema rasipanja piljevine po okolnom platou.

Oborinske vode sa dijela uređenog radnog platoa kompleksa se prikupljaju zasebnim sistemom slivničkih rešetki i kanalizacionom mrežom se odvođe u taložnik a potom u lokalni potok.

Na osnovu provedenog postupka konstatuje se da je podnosilac zahtjeva, «KAPETANOVIĆ» d.o.o. Vareš, ispunio minimum uslova za izdavanje vodne dozvole, kako je to regulisano članom 115. do člana 118. Zakona o vodama («Službene novine Federacije BiH» broj 70/06) i članom 21. i 22. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 06/08), te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta, izvršio uplatu pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98 i 8/00). Uplaćeni su i posebni troškovi prema Zaključku ove Agencije broj: UP-I/25-3-40-055-2/12 od 13.02.2012. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Po ovlaštenju

Rukovodilac Sektora za izdavanje vodnih akata

Nedžad Vilić, dipl. ing.građ.

Dostaviti:

- «KAPETANOVIĆ» d.o.o. Vareš
Zvijezda 27, 71330 Vareš
- Federalna uprava za inspekcijske poslove, vodna inspekcija
- AVP Sava, ISV – Vodna knjiga
- Sektor 50.
- Sektor 40, arhiva